



Koomhum Moob Rooj Saablaaj Txwmxyoo Zag 41
Overland Park Convention Center
Overland Park, KS 66211

June 30th - July 5th, 2019

Lug Ntawm: N. Ntxhi Pov Thoj

Koomhum Namtsev (AWM) Dlejnum

I. Cov namtsev/quaspuj dlejnum (Alliance Women Ministries) yog dlaabtsi?

Peb, kws yog ib cov namtsev (quaspuj) peb muaj nyob rua huv Koomhum Moob hab Pawgntseeg, yog lug paab hab txhawb peb lub Koomhum hab Pawgntseeg rua qhov peb yog **tsev tuabneeg ntawm Tegnum (Acts) 1:8**, “Tabsis thaus Vaaj Ntsujplig tug Dlawbhuv lug nrug mej nyob lawm, nwg yuav pub fwjchim rua mej hab mej yuav ua timkhawv qha kuv zaaj moog thoob plawg huv lub nroog Yeluxalees, huv lub xeev Yudas, huv lub xeev Xamalis, hab moog txug qaab ntuj kawg”. Tsi taag le ntawd, yog “Qha txhua tsaav tuabneeg huv qaab ntuj nuav lug ua Yexus thwjtim” nyob rua huv Mathais 28:19-20.

Peb yog **ib phaab dlejnum namtsev** ntawm Hauvpaug Koomhum Moob hab Pawgntseeg ntawm Cov Ntseeg Yexus hab Kev Koomteg Qha Txujmoo Zoo. Peb muaj nyob lug ua kuas Vaajtswv lub npe raug qhuas lug ntawm **kev kub sab lug caum Tswv Yexus qaab nyob rua txhua tam**, puv npo Vaaj Ntsujplig lub fwjchim kuas **ua neej lawvle Vaajtswv Txujlug, ua Nwg teg dlejnum**, hab **xaa txujmoo zoo moog thoob qaabntuj**.

Peb, kws yog ib cov quaspuj tsi has nyob rua huv Koomhum lossis Pawgntseeg, muaj ntau lub homphaj rua peb kev ua Vaajtswv dlejnum. Txawm le ntawd los, yaam tseemceeb tshaaj txhua yaam kws peb tau txais ntawm tug Tswv Yexus yog ua timkhawv rua peb cov namtsev/quaspuj huv Yeluxalees (huv zej zog), Yudas hab Xamalis (thoob tebchaws) hab thoob qaab ntuj kawg (txawv tebchaws). Hab nwg saamfwm kuas moog qha txhua tsaav namtsev/quaspuj huv qaab ntuj nuav lug ua nwg thwjtim.

II. Cov namtsev/quaspuj dlejnum pib lecaag?

A. Koomhum Namtsev ntawm Koomhum Qebsab

➤ **Xyoo 1914-1947, Paab Kws Thov Vaajtswv (Prayer Bands) – 33 xyooos**

Cov Ntseeg Yexus hab Kev Koomteg Qha Txujmoo Zoo (C&MA) yeej ib txwm muaj cov namtsev kws kub sab lug rua txuj kev thov Vaajtswv hab muaj kev luj

hlab ntawm saab ntsujplig, tabsis tub yog lug txug rua xyoo **1914**, maam le muaj ib paab namtsev lug sis koom ua **“Paab Kws Thov Vaajtswv”** kws tau dlhau lug ua lub hauvpaug rua txujkev sis txoos uake thov Vaajtswv rua cov tub xaa moo zoo. Nyob rua lub rooj saablaaj txwmxyoo xyoo ntawd, Mary Rader, Cor Rudy, hab Ella Rudy txhaj tau caw cov namtsev kws tuaj koom rooj saablaaj lug nyob uake thov Vaajtswv paab rua txujkev xaa moo zoo kws nyob thoob qaab ntuj.

Txij thaus chiv muaj le nuav lug, txujkev thov Vaajtswv nuav txhaj tau nthuav moog rua cov namtsev huv cov pawgntseeg. Lug txug rua xyoo **1923**, Koomhum Qebsab maam le leeg paub tas cov namtsev txuj kev sis txoos uake thov Vaajtswv yog ib yaam kws muaj nujnqes hab txhaj le tsim muaj thawj **“Dlaim Ntawm/Komtswj Thov Vaajtswv”**.

Nyob rua xyoo **1929**, cov Tsaavxwm ntawm Koomhum Qebsab txhaj le pumzoo txhawb kuas tsa muaj tej paab namtsev lug thov Vaajtswv. Lug txug rua xyoo **1936**, muaj txug le ntawm 324 pawg namtsev sis txoos uake thov Vaajtswv hab npaaj kev paab rua cov tub xaa moozoo. Qhov nuav ua rua suavdlawg pum tau tas cov tub xaa moozoo kws muaj peevxwm ua tau Vaajtswv teg dlejnum txawv tebchaws zoo, yog cov kws muaj cov namtsev ntawm puab tej cheebtsaam thov Vaajtswv rua.

➤ **Xyoo 1947-1961, Koomhum Namtsev Koomteg Rua Cov Xaa Moozoo (Ladies United Missionary Organization [LUMO]) – 14 xyoos**

Txawm yog Paab Kws Thov Vaajtswv ua tau dlejnum zoo kawg, los tseem tsi tau muaj kev tswjfwv lug txhawb cov namtsev kuas moog tau dleb ntxiv. Georgia Derk, kws yog ib tug nam xwbwv hab tub xaa moozoo, txhaj nyaav sab txug teg dlejnum nuav. Nwg muaj txujkev ntshaw hab xaav txhawb nwg pawgntseeg kws nyob huv Albany, New York hab lwm pawgntseeg ntawm nwg cheebtsaam lug sim tej lub tswvyim tshab. Vim le nuav nyob rua xyoo **1947**, Nam Derk yog tug kws tho txujkev lug rhawv muaj thawj pawg namtsev ntawm cheebtsaam.

Thaus lub tswvyim tuaj nyob sis txoos uake nuav nthuav moog thoob saab Cheebtsaam Nubtuaj Qaumteb, ntau cheebtsaam tau siv Nam Derk lug ua ib txujkev paab. Lub hauvpaug tau chiv hab nyob rua lub Xyaa hli xyoo **1949**, thawj lub koomhum txhaj raug tsa. Lub koomhum nuav hu ua **Koomhum Namtsev Koomteg Rua Cov Xaa Moozoo** (Ladies United Missionary Organization [LUMO]) hab Nam Derk yog tug thawj tsaavxwm.

➤ **Xyoo 1961-1993, Koomhum Namtsev Sis Txoos Uake Thov Vaajtswv hab Xaa Txuj Moozoo (Women’s Missionary Prayer Fellowship [WMPF]) – 32 xyoos**



LUMO teg dlejnum moog tau zoo heev txhaj ua rua lwm cheebtsaam tsaam muaj LUMO ntxiv rua puab tej cheebtsaam, hab cov Tsaavxwm Koomhum Namtsev Qebsab txhaj raug tsaam nyob rua Rooj Saablaaj Txwmxyoo xyoo **1961** kws muaj lub npe hu ua “**Koomhum Namtsev Sis Txoos Uake Thov Vaajtswv hab Xaa Txujmoo Zoo**” (WMPF).

Lub lb hlis ntuj xyoo **1981**, Cov Ntseeg Yexus hab Kev Koomteg kws nyob tebchaws Kanada (Canada) tau ncau moog ua puab ib lub koomhum hab cov namtsev kws nyob tebchaws Amelikas hab Kanada nyag muaj nyag lub koomhum, nyag txhaj le npaaj muaj nyag ib lub homphaj rua txhua lub xyoos.

Nyob rua txhua lub xyoos txij thaus **1966** lug rua taamsim nuav, cov namtsev nyob Amelikas Qaumteb txhaj xaiv ib lub homphaj rua kev xaa moozoo hab txhawb kuas teg dlejnum ntawd tav. Lug txug rua xyoo **1987**, cov nyaj paab rua cov homphaj xaa moozoo ntawm txhua lub xyoos tau ntau tshaaj le ntawm pib plhom/vaam dulas (million)!

- **Xyoo 1993-2002, Koomhum Namtsev Kev Koomteg Xaa Txuj Moozoo hab Thov Vaajtswv (Alliance Women in Missions and Prayer [AW]) – 9 xyoos**



Ntawm txujkev kws ntshaw kuas phim rua tam neej taamsim nuav tabsis tseem ua tau dlejnum lawvle lub homphaj kws txhawb txuj kev thov Vaajtswv hab kev xaa moozoo, lub npe “WMPF” txhaj raug hloov moog ua **Koomhum Namtsev Kev Koomteg Xaa Txujmoo Zoo hab Thov Vaajtswv** rua xyoo **1993** hab txais yuav lub homphaj tshab lug siv. Txij lub sijhawm ntawd lug, cov namtsev huv tej pawgntseeg tub muaj kev sis txoos uake coob tshaaj le ntawm 1,296 pawg hab muab nyaj ntau tshaaj le ntawm 22 plhom/vaam dulas (million) moog txhawb Koomhum Qebsab cov tub xaa moozoo hab puab teg dlejnum lawm.

- **Xyoo 2002-2012 Koomhum Namtsev Kev Koomteg Ua Vaajtswv Dlejnum (Alliance Women Ministries [AW]) – 10 xyoo**



Koomhum Namtsev Kev Koomteg Ua Vaajtswv dlejnum yog ib lub koomhum kws zwm hab nyob huv qaab kev tswjfwv ntawm Cov Ntseeg Yexus hab Kev

Koomteg Qha Txujmoo Zoo kws yog tsim tsaalug txhawb kev sis txoos uake, kev tshaajtawm hab kev thov Vaajtswv ntawm cov namtsev hab lug txhawb kev paab, hab thov Vaajtswv rua cov tub xaa moozoo hab cov dlejnum thoob qaab ntuj.

Peb, kws yog cov namtsev ntawm Cov Ntseeg Yexus hab Kev Koomteg yeej pum zoo le peb tug tsimtsaa, Dr. Albert B. Simpson kws tau hastas peb "...yuavtsum npaaj txhij txhua lub caij nyooog hab yog... cov namtsev kws yuav tshaaj tawm txujmoo zoo rua peb tam tuabneeg."

Vim pawgntseeg muaj nyob lug paab tuabneeg txhua txhua qhov chaw kuas paub txug Tswv Yexus kws yog peb tug Tswv hab tug Cawmseej, peb xaav kuas cov namtsev teg dlejnum yog ib feem huv pawgntseeg kws yog ua lug paab txhawb nqaa Tswv Yexus txujmoo zoo.

Peb lub homphaj yog xaav kuas txhua tug namtsev kws nyob rua huv pawgntseeg muaj kev koomteg lug paab txhawb Vaajtswv teg dlejnum ntawm Koomhum Namtsev.

Thov caw koj lug:

- Rhawv hab nrhav kev cog phoojywm kuas zoo tshaaj qhov qub
- Nrhav kev npaaj cuabyeej kuas ua tau timkhawv lug ntawm Vaajtswv txuj lug
- Nrhav sijhawm moog qha txug koj txuj kev ntseeg
- Koomteg rua kev tshaajtawm Vaajtswv txujmoo zoo nyob thoob nplajteb
- Muaj peevxwm txhawb zug hab txhawb nqaa kev thov Vaajtswv

Lub 10 hli xyoo 2007, KHQS tau muab KHNQS cov kevcai lijchoj (constitution) hloov moog ua kevcai tswjfwv (policy) lawm xwb.

➤ **Xyoo 2013-2018, Koomhum Namtsev Xaa Moozoo (Great Commission Women [GCW]) – 5 xyoos**



Nyob rua Koomhum Qebsab lub rooj saablaaj txwmxyoo 2013, Koomhum Namtsev lub npe hloov moog ua **Koomhum Namtsev Xaa Moozoo (Great Commission Women)** lawm. Koomhum Namtsev Xaa Moozoo yog ib phaab dlejnum namtsev ntawm KHQS lossis ntawm Cov Ntseeg Yexus hab Kev Koomteg Qha Txujmoo Zoo, muaj nyob lug ua kuas Vaajtswv lub npe raug qhuas lug ntawm kev kub sab lug caum Tswv Yexus qaab nyob rua txhua tam, puv npo Vaaj

Ntsujplig lub fwjchim kuas **ua neej lawvle Vaajtswv Txujlug, ua Nwg teg dlejnum**, hab **xaa txujmoo zoo moog thoob qaabntuj**.

Yaam **Tseemceeb** ntawm Great Commission Women (Koomhum Namtsev) yog kuas txhua tug *npuab sab rua*:

1. Kub sab lug thov Vaajtswv kuas tau txais
2. Nyeem hab kawm Vaajtswv Txujlug kuas tub
3. Txhob txwm ua kuas luj hlub ntawm saab Ntsujplig
4. Paab nyajtxag le Vaaj Ntsujplig ua tug coj
5. Ua Vaajtswv dlejnum puv npo nrug txuj kev ntseeg
6. Muaj lub sab hlub tshua ncaav kuas cuag tug pluj lawm
7. Koob moov ntawm saab kev ntseeg kws raug rhawv lug

Cov **Homp Haj** ntawm Great Commission Women (Koomhum Namtsev) yog:

1. Nqegteg coj txhua tug kws kub sab lug caum Tswv Yexus qaab nyob rua txhua tam tig lug kub sab thov Vaajtswv kuas tau txais.
2. Txhawb txhua tug kws caum Tswv Yexus qaab kuas nrhav kev sis raug zoo nrug Vaajtswv lug ntawm kev luj hlub saab Ntsujplig.
3. Ncaav kuas cuag tuabneeg lug ntawm kev ua qauv qha txug Vaajtswv txuj kev hlub hab tshaajtawm Nwg Txujlug.

➤ **Xyoo 2019, Koomhum Namtsev Kev Koomteg (AllianceWomen)**

ALLIANCEWOMEN

Cov namtsev/quaspuj muaj nyob yog:

- Ua kuas **Yexus lub npe raug qhuas** hab ua kuas **Nwg cov lug Saamfwm Tav** (exit to exalt Jesus and complete His Great Commission).
- Kuas **ntshaw ua lub neej paub Vaajtswv tub dlua qub** hab **koomteg uake rua lub homphaj** (desire to experience the deeper life and be on mission together).

“Txuas Nrug Cov Namtsev/Quaspuj rua Vaajtswv Lub Tebchaws Kuas Tau”
(*Connecting Women for Kingdom Impact*)

- Peb txuas nrug cov namtsev/quaspuj huv lub zej zog rua qhov txuj moozoo hloov tuabneeg huv lub zej zog (We connect locally because the gospel transforms communities).

- Peb txuas nrug cov namtsev/quaspuj thoob qaab ntuj rua qhov txuj moozoo yog rua txhua tug tuabneeg (We connect globally because the gospel is for all people).

B. Koomhum Namtsev ntawm Hauvpaug Koomhum Moob

- Xyoo 1982, HKM lub rooj saablaaj txwmxyoo nyob rua Loretto, Minnesota txhaj le pumzoo tsa muaj Koomhum Namtsev ntawm Hauvpaug Koomhum Moob, hab xaiv tau Niam Kx. Soob Tsheej Xyooj ua tug Thawj Tsaavxwm rua Koomhum Namtsev.
- Xyoo 1982 ib nraab kws pib muaj KHN ntawd, cov tswvcuab ntawm KHN yog muaj 750 leej. Thawj lub rooj saablaaj txwmxyoo KHN xyoo 1983, cov tswvcuab yog muaj 900 leej.



III. Vim lecaag cov namtsev/quaspuj teg dlejnium txhaj tseemceeb?

- A. Vim peb yog **ib phaab dlejnium namtsev** ntawm Hauvpaug Koomhum Moob hab ntawm Pawngntseeg ntawm Cov Ntseeg Yexus hab Kev Koomteg Qha Txujmoo Zoo. Peb muaj nyob lug ua kuas Vaajtswv lub npe raug qhuas lug ntawm **kev kub sab lug**

caum Tswv Yexus qaab nyob rua txhua tam, puv npo Vaaj Ntsujplig lub fwjchim kuas **ua neej lawvle Vaajtswv Txujlug, ua Nwg teg dlejnum**, hab **xaa txujmoo zoo moog thoob qaabntuj**.

Yaam **Tseemceeb** ntawm Koomhum Namtsev/Pawg Namtsev yog kuas txhua tug namtsev/quaspuj *npuab sab rua*:

1. Kub sab lug thov Vaajtswv kuas tau txais
2. Nyeem hab kawm Vaajtswv Txujlug kuas tub
3. Txhob txwm ua kuas luj hlub ntawm saab Ntsujplig
4. Paab nyajtxag le Vaaj Ntsujplig ua tug coj
5. Ua Vaajtswv dlejnum puv npo nrug txuj kev ntseeg
6. Muaj lub sab hlub tshua ncaav kuas cuag tug pluj lawm
7. Koob moov ntawm saab kev ntseeg kws raug rhawv lug

Cov **Homphaj** ntawm Koomhum Namtsev/Pawg Namtsev yog:

1. Nqegteg coj txhua tug kws kub sab lug caum Tswv Yexus qaab nyob rua txhua tam tig lug kub sab thov Vaajtswv kuas tau txais.
2. Txhawb txhua tug kws caum Tswv Yexus qaab kuas nrhav kev sis raug zoo nrug Vaajtswv lug ntawm kev luj hlub saab Ntsujplig.
3. Ncaav kuas cuag tuabneeg lug ntawm kev ua qauv qha txug Vaajtswv txuj kev hlub hab tshaajtawm Nwg Txujlug.

Xyoo 2019, KHN lub homphaj hloov lawm:


1. Cov namtsev/quaspuj muaj nyob yog:
 - **Txhawb nqaa Yexus rua qhov sab** hab ua kuas **Nwg cov lug Saamfwm Tav** (exit to exalt Jesus and complete His Great Commission).
 - Kuas **ntshaw ua lub neej paub Vaajtswv tub dlua qub** hab **koomteg uake rua lub homphaj** (desire to experience the deeper life and be on mission together).
2. “Txuas Nrug Cov Namtsev/Quaspuj rua Vaajtswv Lub Tebchaws Kuas Tau” (*Connecting Women for Kingdom Impact*)
 - Peb txuas nrug cov namtsev/quaspuj **huv lub zej zog** rua qhov **txujmoo zoo hloov tuabneeg huv lub zej zog** (We connect locally because the gospel transforms communities).
 - Peb txuas nrug cov namtsev/quaspuj **thoob qaab ntuj** rua qhov **txujmoo zoo yog rua txhua tug tuabneeg** (We connect globally because the gospel is for all people).

B. Vim cov namtsev/quaspuj ncaav cuag puab paab tuabneeg dlua cov txivneej.


IV. Kev ua dlejnum nruab nraab ntawm KHN, Pawg Namtsev & lub cev (structure):

A. Koomhum Namtsev lub cev hab kev ua dlejnum rua:

Koomhum Moob Lub Cev (District Organizational Structure)



Koomhum Namtsev Lub Cev (HDAWM Organizational Structure)




- KHN rua Koomhum Moob – Hmong District
 - KHN nyob huv qaab kev tswjfw m ntawm KHM.
 - KHN ua dlejnum ncaaj nraim rua KHM & KHM ua dlejnum ncaaj nraim rua KHN.
 - KHM qha KHM cov zeem muag & homphaj rua KHN. KHN paab & txhawb KHM cov zeem muag hab homphaj (visions & goals).
 - KHN ua hab txhawb KHM cov dlejnum (District Projects).

- KHN rua Koomhum Namtsev Qebsab – AllianceWomen
 - KHNQS ua dlejnum ncaaj nraim rua KHN & KHN ua dlejnum ncaaj nraim rua KHNQS.
 - KHNQS muab lub ntsab lug & homphaj qha rua KHN. KHN siv hab txhawb KHNQS lub ntsab lug & homphaj (Theme & Annual Project).
 - KHNQS muab cov homphaj nyaj qha rua KHN. KHN txhawb KHNQS cov homphaj nyaj (Ministry Fund).
 - KHNQS yog ib qhov chaw cuab yeej (resource) rua KHN. Yog muaj tej yaam ntaub ntawv siv tau lossis rooj cobqha (training), KHN moog muab lug siv lossis moog koom.
 - KHN moog koom KHNQS lub rooj saablaaj txwmxyoo.


- KHN rua Pawg Namtsev ntawm Pawgntseeg – Local Alliance Women Ministries
 - KHN ua dlejnum ncaaj nraim rua pawg namtsev & pawg namtsev ua dlejnum ncaaj nraim rua KHN.
 - KHN muab lub ntsab lug & homphaj qha rua pawg namtsev. Pawg namtsev siv hab txhawb KHN lub ntsab lug & homphaj (Theme & Annual Project).
 - KHN muab cov homphaj nyaj qha rua pawg namtsev. Pawg namtsev muab nyaj ua Vaajtswv dlejnum rua KHN (giving-financially).
 - KHN yog ib qhov chaw cuab yeej (resource) rua pawg namtsev. KHN npaaj kev cobqha, ntaub ntawv hab txhawb pawg namtsev.

B. Pawg Namtsev lub cev hab kev ua dlejnum rua:

Pawgntseeg Lub Cev (Church Organizational Structure)



Pawg Namtsev Lub Cev (Local AWM Organizational Structure)



- Pawg namtsev rua Pawgntseeg – Local Church
 - Pawg namtsev nyob huv qaab kev tswjfwv ntawm pawgntseeg.
 - Pawgntseeg ua dlejnum ncaaj nraim rua pawg namtsev & pawg namtsev ua dlejnum ncaaj nraim rua pawgntseeg.

- Pawgntseeg qha pawgntseeg lub ntsab lug, cov zeem muag & homphaj rua pawg namtsev. Pawg namtsev paab & txhawb pawgntseeg lub ntsab lug, cov zeem muag hab homphaj (theme, visions & goals)
 - Pawg namtsev ua hab txhawb pawgntseeg cov dlejnum (Ministries & Projects).
 - Pawg namtsev siv pawgntseeg lub ntsab lug nrug rua KHN lub.
- Pawg Namtsev rua KHN – District Alliance Women Ministries
- KHN ua dlejnum ncaaj nraim rua pawg namtsev & pawg namtsev ua dlejnum ncaaj nraim rua KHN.
 - Pawg namtsev siv hab txhawb KHN lub ntsab lug & homphaj (Theme & Annual Project) nrug rua pawg ntseeg lub, yog hastas pawgntseeg muaj.
 - Pawg namtsev muab nyaj ua Vaajtswv dlejnum rua KHN (giving-financially).
 - Pawg namtsev ua, paab & txhawb KHN cov homphaj (District Projects)
 - Pawg namtsev ua, paab & txhawb KHN cov dlejnum (District Ministries)
 - Pawg namtsev moog muab cuab yeej, ntaub ntawv, kev cobqha & kev txhawb ntawm KHN.
 - Pawg namtsev moog koom KHN lub rooj saablaaj txwmxyoo, yog hastas moog tau.

V. Ua lecaag pawg namtsev txhaj luj hlub?

- A. Pawg namtsev yuavtsum totaub hastas Alliance Women Ministries tsi yog rua cov kws muaj quasyawg xwb, tabsis yog rua txhua tug quaspj (women).
- B. Siv pawgntseeg lub homphaj nrug rua KHN lub.
- C. Fwm lub rooj tsaavxwm huv pawgntseeg, rua qhov pawg namtsev nyob huv qaab kev tswjfw m ntawm lub rooj tsaavxwm hab xwbfbw.
- D. Lub rooj tsaavxwm yuav tau txhawb pawg namtsev
 - Txhawb cov tsaavxwm namtsev
 - Txhawb cov dlejnum kws lub rooj tsaavxwm tub pumzoo rua pawg namtsev ua lawd, tsi has nyob rua huv pawgntseeg, pawg namtsev lossis KHN.
- E. Txhua tug nam xwbfbw huv pawgntseeg xwsle:
 - Tug nam xwbfbw laug (senior pastor's wife)
 - Tug nam xwbfbw paab (assistant pastor's wife)
 - Tug nam xwbfbw nkawm namtxiv hluas (young couple pastor's wife)
 - Tug nam xwbfbw hluas (youth pastor's wife)
 - Lwm tug nam xwbfbw (other pastor's wife)

Yuav tau moog koom hab txhawb pawg namtsev lub sijhawm puab muaj kev sis ntsib/pehawm Vaajtswv, yog hastas moog tau.

- F. Cov nam txwjlaug yuav tau moog koom hab txhawb pawg namtsev.
- G. Cov tsaavxwm pawg namtsev yuav tau nqua hu hab txhawb kuas cov ntxhais hluas kws tsi moog koom cov hluas lawd, moog koom pawg namtsev. Rua qhov tsi yog rua cov kws muaj quasyawg lawm xwb, tabsis yog rua txhua tug quaspui (women).
- H. Yuav tau hloov kev sis ntsib/pehawm Vaajtswv kuas tsi xob yog coj/ua le ib txwm ua dlhau lug.
- I. Txuas nrug hab ncaav kuas cuag cov namtsev/quaspui nyob rua huv pawgntseeg.
- J. Yog KHN tsi tau ncaav cuag pawg namtsev, yeem meej ncaav moog rua KHN hab qha rua cov tsaavxwm paub hastas pawg namtsev tu ncu yaam twg, KHN txhaj le paub txhawb pawg namtsev.
- K. Yog muaj cov ntxhais hluas ntxim ua tau thawjcoj, nqug paub lug ua thawjcoj nyob rua huv pawg namtsev.
- L. Cov thawjcoj namtsev muaj kev sis raug zoo nrug txhua tug namtsev ib yaam. Xob raug zoo heev heev nrug qee tug xwb.
- M. Cov thawjcoj namtsev xob siv tuab cov tuabneeg qub lug paab dlejnum xwb, yuav tau siv lwm hab.

VI. Pawg namtsev paab tau dlaabtsi?

- A. Paab tau cov namtsev/quaspui huv pawgntseeg **txhawb nqaa Yexus rua qhov sab hab ua kuas Nwg cov lug Saamfwm Tav.**
- B. Paab tau cov namtsev/quaspui kuas **ntshaw ua lub neej paub Vaajtswv tub dlua qub** hab **koomteg uake rua lub homphaj.**
- C. Paab tau cov namtsev/quaspui **txuas nrug** cov namtsev/quaspui **huv lub zej zog** rua qhov txujmoo zoo hloov tuabneeg huv lub zej zog.
- D. Paab tau cov namtsev/quaspui **txuas nrug** cov namtsev/quaspui **thoob qaab ntuj** rua qhov txujmoo zoo yog rua txhua tug tuabneeg.
- E. Paab & txhawb tau cov namtsev/quaspui huv pawgntseeg **pum Vaajtswv dlejnum tseemceeb** ntawm pawgntseeg, rua qhov **paub yog ib feem dlejnum** huv pawgntseeg.
- F. Paab & txhawb tau cov namtsev/quaspui hluas sawv lug ua thawjcoj rua tom ntej.
- G. Paab tau pawgntseeg, rua qhov **Alliance Women Ministries yog ib phaab dlejnum** huv pawgntseeg.

VII. Lug nug hab lug teb (Q & A):